

Comunicaziun da media dals 25 november 2008

Premi dal VAZ 2008 pella uniun da "vacanzas chüradas" a Sent



Brigitte Schnetzler, manadra "vacanzas chüradas" a Sent piglia in consegna il premi dal VAZ 2008

Minch'utuon onurescha l'uniun da las absolventas e'ls absolvents da la scoul'ota da pädagogia curativa da Turich (VAZ) ün'instituziun o üna persuna, chi s'ingascha per umans cun bsögns specials. Il premi da quist on, chi'd es dotà cun 4000 francs, va a l'uniun da "vacanzas chüradas" a Sent in Engiadina Bassa.

Planisaziun da vacanzas cun gronds impedimaints

Umans cun e sainza ün impedimaint han grondas pretaisas pertuccond lur vacanzas. Ellas dessian spordscher quietezza e recreaziun, però eir spazi per inscuters ed inspiraziuns. Quai chi'd es per umans sainza impedimaints üna chosa chi s'inclegia da sai, es per umans cun ün impedimaint cumbinà cun difficultats chi pon desdrüer lur sömis. Tuot tenor lur möd d'impedimaint sun els dependents da sustegns specials ed üna infrastruttura sainza barrieras.

Vacanzas chüradas in Engiadina Bassa

La spüerta da "vacanzas chüradas" a Sent s'adatta a quist bsögns particulars e pussibilitescha uschea a glied cun ün impedimaint da pudair giodair plainamaing lur vacanzas. Daspö ses ons spordscha la famiglia da Brigitte Schnetzler e Jon A. Piguet ün'accumpagnamaint da vacanzas adattada als bsögns da lur giasts da vacanzas. Trais chombras dan albiereg a maximalmaing quatter giasts. Per cha'ls giasts nun han da pajar superplü, surpiglia l'uniun da "vacanzas chüradas" ils cuosts supplementars, ch'ün di da vacanzas chaschunescha. Il sustegn finzial e'l mantegnimaint da quista spüerta per umans cun ün impedimaint less l'uniun sgürar. Perquai é'la dependenta da donaziuns.

Contact

Interkantonale Hochschule für Heilpädagogik
Eva Wasem, Marketing & Kommunikation
Tel 044 317 11 76, 079 766 80 84 Fax 044 317 11 10
eva.wasem@hfh.ch

VAZ Vereinigung der Absolventinnen und Absolventen der Interkantonalen Hochschule für Heilpädagogik
Andreas Wetter, president
Tel. 044 853 43 23
wetter@gesamtschule-erlen.ch

"vacanzas chüradas" a Sent
Brigitte Schnetzler
Tel. 081 860 31 82
info@betreute-ferien.ch